



~~C7874~~

Ud 5368

2^o



Brud 5368 llx (1-14)

2

SEPTIPENNA GENTILITII HONORIS

Supra mortalitatis humanæ Vallem,

In

Gloriæ Immortalis fastigium
EVECTA,

Et ad funebre monumentum

ILLVSTRISSIMI DOMINI

**D. FRANCISCI BERNARDI
MNISCHECH**

De Magna Konczyce,

CASTELLANI SANDECENSIS,
Capitanei Sanoczeń. Szereceń. Demboueceń. &c.

Parentalibus Elogiis
Explicata.

ILLVSTRI ac MAGNIFICO DOMINO,

**D. GEORGIO VANDALINO
MNISCHECH,**

De Magna Konczyce,

Capitano Sanoczeń. Szereceń. Demboueceń. &c.

A Condolente Iuuentute Crośń. Colleg. Societ. IESV.

Communes inter lacrymas.

PROPOSTA.

Anno Dñi. 1662.

C R A C O V I Æ,

*In Officina Viduæ & Heredum Francisci Cezari S. R. M. & Illustr. ac
Reuerendiſſ. Principis, Episc. Crac. Typographi.*

*A. G. Janne Cezari S. R. M.
Reuerendiſſ. Principis, Episc. Crac. Typographi.*

In stemma Illustrissimi Domini,
D. FRANCISCI BERNARDI
M N I S C H E C H,
 Castellani Sandeceñ. &c.



Lechica Vos cidaris, Vos Mitrae Caesaris ornant
 Pennae, Mors, Aquilis, asseret inde Poli.

1356072

P R A E F A T I O.
Ad Illustrem & Magnificum Dominum,
D. GEORGIVM
V A N D A L I N V M,
M N I S C H E C H,
 Capitaneum Sanocensem, Sczerecen-
 sem, Dembouecensem, &c.

SEptipennam Tibi, Illustris ac Magnifice Domi-
 ne, qualem eo nomine gloriosissima recordatio-
 nis Illustrissimus Parens Tuus dixit, & quam
 obitu suo atque funere effecit merentem, inter
 Parentales lacrymas hodie, communemq; luctum
 omnium proponimus. Merorem illa à suo,
 Gentilitio Tuo accepit struthione, à quo & vates auspicatus suum.
 Faciam, inquit, luctum quasi struthionum. Michea 1. Quanquam
 verius fleuit, cuius non stemma dolor est, sed res ipsa animi: tamen
 & umbratilis luctus à genuina lugendi procedat natura necesse est.
 Sed & solatij monumentum à Septipenna sit, quam Illustrissimus
 Parens non tam solido lapide in arcem, quam solidis virtutibus
 in amplissimum Nominis & gloriae domicilium erexit, nos Septena
 Elogiorum commendatione ad parentale officium munusq; excitavi-
 mus. Penna inuictae volucris est, ferrum & dura omnia Consu-
 mentis, aut quod ante maluissem effatum. WISNIOVIECII
 Ducalisque Honoris Gentilitius, ac obarmatus Eques Generi Ve-
 stro & Sanguini Cognatus. Coniunctusq; luctum omnem districto
 manus gladio effindere valentissimus. Aut demum, si primum
 omnium, in ultimum & maximum doloris remedium differre vi-
 debamur

debamus, merorem hunc, quā valet admiranda inter literatos Sapientia, magnitudine animi inter Viragines. Religione ac Sanctimonia inter Diuas Dux & ipsa Sororq; Excellentissima, dissuasura atque alleviatura est. Precipuum & ingens doloris est solatium à doloris Societate, maximum remedium à Magnorum solatio. Iam quidquid exigua hec & minima prope modum libelli contentio intendit euincere, poterit profectò, si hanc Magnitudine Vestra ampliare & erigere velitis & perbeneuole acceptare, quod Vestrum totum & Vestris Nominibus vectigali censu sensuq; volumus esse mancipatum.

Illustris. & Magn. DD.

Serui obsequentissimi

Rhet. Crofa. C. S. I.

I Prin-

I.

Principem date paginam VIRTUTI,
MNISCHIANÆ PANEGYRES.

Hereditariis primæ & propriæ de Bonis.

Nemo felix alieno,

E T

Precaria est felicitas non ex se nata,
Peregrinæ opes de censu alterius recensite,
Vera sunt ac genuina in arario animi congenita,
Collecta non sunt ab usura, à tenero collactanea, ab usu adulta:
Heredem malo quàm Tenutarium.

R E L I G I O N E M.

Coelitum Genus,

Regnorum Coronam,

Terrarum Magistram,

Ita coluit Senator hic Dignissimus,

Vt ei Senatum animi sui fecerit singularem,
Religionem quippe in summis habere summa Religio est.
Et nunquam dignitas maior ulla quam à Religione quasita,
Nunquam securior quam cum Religione possessa,
Nunquam decentior quam de Religione commendata.

Ceteræ enim Virtutes admirationis tantummodo multum
Religio verò & pietas etiam virtutis habet plurimum,
Et Philosophicum & Politicum est.

Eam igitur quam vnicè in vita coluisset,

Vt sibi diuturnam immortalemq; faceret

MORTALIS ESSE DESIIT.

II.

P R V D E N T I A M

Rerum animam,

Abditorum Lyncem,

Editorum atque summorum Aquilam.

B

Confi-

Consiliorum vi & pondere grauem,
Ingenio promptam, iudicio rectam,
Vsu facilem, difficilibus parem.
Domi forisque indiuiduam circumtulit.

Nimirum

Prudentia est prouidentia futurorum,
Præteritorum oculus,

Presentium Norma & Ratio,
Viuenti & agendi recta Amussis.

Illam igitur,

In primis adhuc annis superiorem annis,

In longæua ætate parem ætati,

Cum Sapientiæ omnis prouentu,

Tum Consiliorum euentu optimo probauit.

Ita enim si Consilium domi fuit, bella foris decreta.

Et rationem magis quam galeam militare posse,

Stylum primò tum ferrum dimicare,

Et quod militare est Consilio vincere,

Humanum Consilio egere

Ita Consilium dare, Diuinissimum est.

Id verò vnicum optimè consultum ratus

Tandem Æternitatis concilio se censerit.

III.

I V S T I T I A M

Pacem Populorum,

Vitiorum Bellum,

Veri custodem,

Errati arbitram,

Iuri compositam, oppositam iniuriæ,

Præcio omni, pretiosorem effecit,

NVLLO QVIPPE AVRO VENALEM,

Quia

Quia nullius appetens fortunæ, suæ comperens:

Aliàs quæ petit æquitas, non agit iudicia sed gratias,

Nunquam ea munere non corrupta;

Si ceca est, auri luce fit lyncea

Si oculata exoculata est:

Splendens Aurum perstringit oculos, optimè Varro.

Vtraq; nutat auro statera lanx,

Vilior quæ summa,

Scilicet neutra suum centrum non petit,

Extorris terris æquitas Cælum,

Aurum Terram.

Eandem

Nulli non negotio indiuiduam planè fecit,

Sine qua non diuidi tantum

Sed omnino dissipari hominum Societatem,

Concentumq; & harmoniam eiusmodi

Si in vno delinquat in omnibus deperire

Lipfio subscripserat.

I V S T I T I A M

Cum in alijs eximie laudaret

In se gloriaretur.

Optimum enim est laudis argumentum, si in te non desit,

Iustitia iustissima si te probauit.

Tantus igitur Iustitiæ Auctor Cultorq;

Iusta Parentalia solui sibi meruit

Æ T E R N I T A T E.

IV.

LIBERALITATEM

Census priuati profusam, tenacem publici,

Ne tamen prodigalitem aut parsimoniam dixeris,

Nunquam erogauit amplius, quàm qui negauit alienum,

Aut minus impertit, quàm qui perdit de suo.

Quanquam inuenisse est, dedisse beneficium,

Neque amissam stipem, emissam in egentes,

B 2

Abſq

Absque tributo tributam,
 Vni quippe Munificentiae lucro intentam
 D E D I S S E.
Vnicum spectantem remunerandi foenus
 à qua nihil expectaret
 I N D I G E N T I A M.
Beneficium etenim non est, sed debitum, quod quasiuit dandi vicem.
 Vltro ac sponte impensam,
 Parem Diuinæ, precibus priorem,
 & non rogantibus erogatam,
Nam excedit hominem spontanea Humanitas:
 adeoq; extra sensum est
 Quæ ante aurum quam aurem accommodet.
 HOC VNICVM LIBERALITATIS
 Septipennæ suæ Castello munimentum posuit:
 Illius Aemiliani & quotidiani gnatus
 Nullum esse imperium tunc, nisi liberalitate munitum,
 Hanc potissimum
 Inimicæ contentionis sumpsit vlticem
 Beneficiis sese vindicare.
 Nec tantum Romanum, sed & Polonum ratus
 Beneficium & potentiam vinculum esse concordiae,
 Cumque in calamitosos maiore,
 Tum in Amicos propensiore munificentia vsus est.
 Ergo
 Dum ex Munifica liberalitate donat sua
 Vitam dedit DEO.

V.
 T E M P E R A N T I A M
 Frugalitatis Matrem,
 Virtutum condimentum,
 Abstinentiæ Magistram,

Vitæ

Vitæ & incolumitatis Arbitram.
 Quâ aliorum Luxus euerberaret,
 Abdominis mancipia odisset,
 Amori & cordi summè habuit.
Ea demum parsimoniâ liberalem vitam,
Illâ temperata fame annorum satietatem,
Illâ unica siti, ætatis emanare profusionem,
Illâ conuiuia in viuendi prorogari lustra,
 Cum in se probauisset
 Tum in alijs Condocuit.
 Nunquam igitur Ægritudinis lessum facit
 Cum sui Magistra temperantia Lessij consentiens,
 Aut afflictione cor Affecit
 Impressâ sibi Ludouici Cornari abstinencia recreatum,

I N E O L V D O V I C O
 Ludere & eludere, valitudinis vices potuit,
 In Eiusque Ludo edoctus Serio
 Copiam omnem abstinentiâ temperari.
 Immensum prope Mensæ Malum Linguam
 Cum Palati nimium negauisset,
 Nefandum fandi Libitum frenauit.

Simulque
 A Parsimonia Epularum
 Parsimoniam verborum
 A temperantia moderationem animi
 Et ab eo verboso silentio. Consilia super Mensis ferri,
 Interq; lances & edulia prudentiæ lance
 Libratas sermocinationes conferri potuisse.

Ergo
 C

III

Illi parsimoniae perfauentes Parcae
Postquam diuturnitatem vitae protenderant
Mortem Aeternitate donauerunt.

VI.

FORTITVDINEM,
Vellem adessent hic Regna aliena & imperia,
ITALIA, GALLIA. GERMANIA.
Vbi
MNISCHIANA BELLICA RES
Tot meruit monumenta,
Quot fecit Victorias.
Superefflent Vtinam
Reges etiamnum Peregrini & Imperatores,
Vt suo basilico suffragio,
Regio Honore,
Imperatorio sensu commendarent:
Quantum Mnischiano deberent ferro
Cui aurum suum Coronarium,
Sceptra gladijs deberent.

VALERIANVS MNISCHECH
Sub OTTONE III. Imperatore Belli Dux,
Non minor quantumuis Crescentio,
ET POLONVS SVPPAR ROMANO:

Postquam hostem hunc Exarcham terruit,
Suis vulneribus sese Militem,
Sanguine sanguinem Heroum,
Morte Marti Cognominem esse probauit.
Ita tum demum. Victrici Familiae
Comitatum in Magna Konczyce

Fauore

Fauore cruento, citra omnem inuidiam adeptus,
Vltra fortunam Sanguine transcripsit Haedem

VANDALINVS MNISCHECH.

Sub Rege Primum Galliarum,
Postea Christiano Imperatore
CAROLO MAGNO.

Generosissimus Militiae Dux,
Caesarem Nomen Magnum
Bello & Victorijs
Summum reddidit.

VANDALINORVM FAMAM ET GLORIAM
Virtute felicitateq; bellica
Maximam fecit.

Tot ergo Tantorumq; Maiorum
Et Auitae Fortitudinis Haedem Illustrissimum Dominum
FRANCISCVM BERNARDVM MNISCHECH

Inuicta Mors
Inuicta necessitas,
Fata ineluctabilia
Terris nunquam satis Viuentem
Caelo maturauerunt.

VII.

HONORES

Virtute & factis commeritos fuisse,

Dabo praesentius

In Patria ipsa Regnoque Poloniarum
Testimonium oculi, quam Styli,

C 2

Qui-

Quicunque

Mnischouianam Illustrem togam purpuramq; spectauistis.
NICOLAUS VANDALINVS MNISCHECH
à SIGISMUNDO PRIMO

Non postrema dignitate Ornatus,
Mundo Polono, quem ipse Nomine complexus,
Regnoque tuendo

Cui Nicolaus à suo etymo Victoriæ ominatus,
Senator Paterq; Patriæ additus.

ET à SIGISMUNDO AVGVSTO
Ad eadem iterum amplissima Purpuratorum Augustalia
Vocatus,

Prudentiâ Reipub. commodis;
Sapientia Senatui,
Consilio Conciliis,
Auctoritate Ciuibus,
Præfuit profuitq;

Et tum

Quamcunq; Augustus mortuis pæne legibus suffecit animam,
Quam mutis tabulis vocem dedit,
Nam hætenus conditæ leges reconditæ fuerunt:

Quòd

Emersum primò à Balthico mari monstrum
Lutherana hæresis

Augusta Maiestate obruta esset,

Malumq; in sui limine & initio eliminatum,
Huius vnus & aliorum Senatu,

Purpurata Auctoritate,

Augustâ eum Augusto mente & animo effectum est.

Quod

QVOD SIGISMVNDVS I.

Basilium Magnum Moschorum Ducem
Minorem bello Primo,

Secundo prope nullum fecerit Confeceritq;
Ipse Boristhenes 40. Millium Moschorum cæde inundans
Cæsorum à Sanguine

Omnino intra veritatis litora fidemq; erubuerit,
Regali purpuræ,

Purpuratorum consilijs,
Nicolai huius Victoriarum Nomini & Omini dedit.

GEORGIVS MNISCHECH

Stephani primùm Regis Sapientissimi

Et sui Nominis Coronamentum,

SIGISMVNDI postea III.
Et Senatorii Ordinis auctoramentum,
Sandomiriæ suæ Palatinus Honor,
Quâ laude & dignitate effloruit

Septentrionis deserta & inculta censerunt,
Moschorum clade & cruore perpluua
In Lauros Polonas & Palmas fecundata:
Nunquam profecto fortunæ laudumq; sterilia,

Si insita semel fide

Fidem traxissent in stirpem.

Aut ipsa Moscua Amicitiae & Cognationis Mnischianæ Socia Consorsq;
Ex sorte Candoris ingenio non vitiauisset.

*Nunquam enim perditissimi aliò, quàm eunt sese perditum,
Et nunquam non Moschus strage multatus cuius fides stratagema fuit.*

HVCVSQVE IGITVR

Regibus & Regnis cara vnicè cultaq;

D

In

In Senatu continuata,
In Patria Auita,
In Prouinciis accepta,
In officiis probata,
In prolapia & genere producta,
Meritorum & dignitatum Series,
In hoc vno Senatore
Collecta demum .

Quo Rempublicam illustrauit Splendore
Tantum post umbras letales
Luci maximè publicæ & immortalis transcripta est.
Cæterum

*Septupla quod scripsit, Generosum est Penna Nepotes.
Vobis porrigitur. Scribite Digna Patre.*



wey

132

Plant

Thirt. Polou
6 spec.

23

